

গণপ্রজাতন্ত্রী বাংলাদেশ সরকার
অর্থ মন্ত্রণালয়
অর্থনৈতিক সম্পর্ক বিভাগ
এডিবি অনুবিভাগ
শের-ই-বাংলা নগর, ঢাকা
www.crd.gov.bd

প্রেস বিজ্ঞপ্তি

ঢাকা, ২৮ নভেম্বর ২০২৩

আজ ২৮ নভেম্বর ২০২৩ তারিখ বাংলাদেশ সরকার ও এশীয় উন্নয়ন ব্যাংক (এডিবি)-এর মধ্যে ১০২৬.৪৭ মিলিয়ন মার্কিন ডলার (৭২৬.৪৭ মিলিয়ন মার্কিন ডলার + ২৭৭.৮৮১ মিলিয়ন ইউরোর (সমতুল্য ৩০০ মিলিয়ন মার্কিন ডলার) ০৫ টি আর্থিক ঝণচুক্তি ও প্রকল্পচুক্তি ঢাকায় স্বাক্ষরিত হয়। বাংলাদেশ সরকারের পক্ষে জনাব মোঃ শাহুরিয়ার কাদের ছিদ্রিকী, সচিব, অর্থনৈতিক সম্পর্ক বিভাগ, অর্থ মন্ত্রণালয় এবং এডিবি'র পক্ষে Mr. Edimon Ginting, কান্ট্রি ডিরেক্টর, বাংলাদেশ আবাসিক মিশন, এডিবি ঝণচুক্তিতে স্বাক্ষর করেন। এ সময় বাংলাদেশ সরকার ও এডিবি'র আবাসিক মিশনের উর্ধ্বতন কর্মকর্তাগণ উপস্থিত ছিলেন।

অদ্য স্বাক্ষরিত চুক্তিগুলোতে এডিবি ৩৬৮.২২ মিলিয়ন মার্কিন ডলার এবং ২৭৭.৮৮১ মিলিয়ন ইউরো (সমতুল্য ৩০০ মিলিয়ন মার্কিন ডলার) OCR (Regular) ঝণ প্রদান করেছে। এ ঝণের সুদের হার SOFR (Secured Overnight Financing Rate) /Euribor (Euro Interbank Offer Rate)+0.৫০% ও ম্যাচুরিটি প্রিমিয়াম ০.১০%। এছাড়া অচার্ডকৃত ঝণের ওপর ০.১৫% হারে কমিটমেন্ট চার্জ প্রদান করতে হবে। অবশিষ্ট ৩৫৮.২৫ মিলিয়ন Ordinary Operation (Concessional) ঝণের সুদের হার ২%। উভয় ঝণ ০৫ বছরের প্রেস পিরিয়ডসহ মোট ২৫ বছরে পরিশোধযোগ্য।

স্বাক্ষরিত প্রকল্পের বিস্তারিত নিম্নরূপ:

১। Vaccines, Therapeutics and Diagnostics Manufacturing and Regulatory Strengthening Project (VTDMRS) under the Asia-Pacific Vaccine Access Facility (APVAX) বাস্তবায়নের লক্ষ্যে ১৬৮.২৫ মিলিয়ন মার্কিন ডলার Ordinary Operation (Concessional) ঝণ এবং ১৬৮.২২ মিলিয়ন মার্কিন ডলার OCR (Regular) মোট ৩৩৬.৪৭ মিলিয়ন মার্কিন ডলারের দু'টি ঝণচুক্তি স্বাক্ষরিত হয়। স্বাস্থ্য সেবা বিভাগের আওতাধীন এসেনসিয়াল ড্রাগস্ কোম্পানি লিমিটেড (ইডিসিএল) ও ঔষধ প্রশাসন অধিদপ্তর কর্তৃক প্রকল্প দুইটি বাস্তবায়িত হবে। প্রকল্পের মাধ্যমে বিভিন্ন রোগের প্রাদুর্ভাব মোকাবেলায় টিকার ক্রমবর্ধমান চাহিদা পূরণ, স্বাস্থ্য-গবেষণা খাতের সক্ষমতা জোরদারকরণ, ভ্যাকসিনের সফল গবেষণা ও উন্নতমানের ভ্যাকসিন উৎপাদনের লক্ষ্যে একটি আন্তর্জাতিক মানের গবেষণাগার প্রতিষ্ঠা করা হবে। ইডিসিএল-এর প্রকল্পটি ডিসেম্বর ২০২৩ হতে ডিসেম্বর ২০৩০ সময়ে এবং ঔষধ প্রশাসন অধিদপ্তরের প্রকল্পটি জানুয়ারি ২০২৪ হতে ডিসেম্বর ২০২৮ সময়ে বাস্তবায়িত হবে।

২। South Asia Subregional Economic Cooperation Dhaka–Northwest Corridor Road Project Phase 2 Tranche 3 বাস্তবায়নের লক্ষ্যে ২৭৭.৮৮১ মিলিয়ন ইউরো OCR (Regular) ঋণচুক্তি স্বাক্ষরিত হয়। সড়ক ও মহাসড়ক বিভাগের আওতায় সড়ক ও জনপথ অধিদপ্তর কর্তৃক প্রকল্পটি বাস্তবায়িত হবে। এ প্রকল্পের উদ্দেশ্য উপ-আঞ্চলিক পরিবহন, বাণিজ্যের উন্নতি করে করিডোরকে (১৯০.৮০ কিমি) স্লো মুভিং ভেহিকুলার ট্রাফিক (SMVT) বৈশিষ্ট্যসহ চার লেনে উন্নীত করা। এ প্রকল্পের অধীনে নতুন ফুটপাথ, সেতু, ফ্লাইওভার, আন্ডারপাস, রেলওয়ে ওভারপাস এবং ইন্টারচেঞ্জ নির্মাণ করা সহ প্রকল্পটি সড়ক ও জনপথ অধিদপ্তরের প্রাতিষ্ঠানিক সক্ষমতা বৃদ্ধি করবে। প্রকল্পটি ০১ সেপ্টেম্বর ২০১৬ হতে ৩১ ডিসেম্বর ২০২৪ সময়ে বাস্তবায়িত হবে।

৩। Smart Metering Energy Efficiency Improvement Project বাস্তবায়নের লক্ষ্যে ২০০ মিলিয়ন মার্কিন ডলার OCR (Regular) ঋণচুক্তি স্বাক্ষরিত হয়। প্রকল্পটি জালানি ও খনিজ সম্পদ বিভাগের আওতায় তিতাস গ্যাস ট্রান্সমিশন ডিস্ট্রিবিউশন কোম্পানি লিমিটেড (টিজিটিডিসিএল) কর্তৃক বাস্তবায়িত হবে। তিতাস অধিভুক্ত এলাকার আবাসিক পর্যায়ে ব্যবহৃত গ্যাসের অপচয় রোধ এবং গ্যাসের দক্ষ ব্যবহার নিশ্চিত করা এ প্রকল্পের উদ্দেশ্য। এ প্রকল্পের বাস্তবায়নকাল জানুয়ারি ২০২৪ হতে ডিসেম্বর ২০২৮ পর্যন্ত।

৪। Chattogram Hill Tracts Inclusive and Resilient Urban Water Supply and Sanitation Project বাস্তবায়নের লক্ষ্যে ৯০ মিলিয়ন মার্কিন ডলারের Ordinary Operation (Concessional) ঋণচুক্তি স্বাক্ষরিত হয়। স্থানীয় সরকার বিভাগের আওতায় জনস্বাস্থ্য প্রকৌশল অধিদপ্তর কর্তৃক বাস্তবায়িত হবে। প্রকল্পটির মাধ্যমে রাঙামাটি, বান্দরবান ও লামা পার্বত্য পৌর এলাকায় টেকসই ও সমন্বিত নিরাপদ পানি সরবরাহ ও বর্জ্য ব্যবস্থাপনা পরিসেবা নিশ্চিত করা হবে। প্রকল্পটি জুলাই ২০২৩ হতে ডিসেম্বর ২০২৮ সময়ে বাস্তবায়িত হবে।

৫। Improving Computer and Software Engineering Tertiary Education Project(ICSTEP) বাস্তবায়নের লক্ষ্যে এডিবির সাথে ১০০ (একশত) মিলিয়ন মার্কিন ডলার Ordinary Operation (Concessional) ঋণচুক্তি স্বাক্ষরিত হয়। মাধ্যমিক ও উচ্চ শিক্ষা বিভাগের আওতায় বিশ্ববিদ্যালয় মঞ্চুরী কমিশন, ঢাকা বিশ্ববিদ্যালয়, বাংলাদেশ প্রকৌশল বিশ্ববিদ্যালয় এবং যশোর বিজ্ঞান ও প্রযুক্তি বিশ্ববিদ্যালয় কর্তৃক বাস্তবায়িত হবে। উৎপাদন খাতে দক্ষ জনশক্তি তৈরি এবং শিল্প খাতে নতুন কর্মসংস্থান সৃষ্টি করা এ প্রকল্পের উদ্দেশ্য। প্রকল্পটি জুলাই ২০২৩ হতে জুন ২০২৮ সময়ে বাস্তবায়িত হবে।

এডিবি বাংলাদেশের অন্যতম প্রধান উন্নয়ন সহযোগী। বাংলাদেশ ১৯৭৩ সালে সদস্যপদ লাভের পর হতে এডিবি অর্থনীতির অগ্রাধিকারভুক্ত বিভিন্ন খাতসমূহে ধারাবাহিকভাবে আর্থিক সহায়তা পেয়ে আসছে। এডিবি এ যাবৎ বাংলাদেশ সরকারকে ৩০৯১৬.৪৭ মিলিয়ন মার্কিন ডলারের ঋণ সহায়তা ও ৫৭১.২ মিলিয়ন মার্কিন ডলারের অনুদান সহায়তা প্রদান করেছে। বাংলাদেশে উন্নয়ন সহায়তার ক্ষেত্রে এডিবি সাধারণত বিদ্যুৎ, জালানি, পরিবহন, শিক্ষা, স্থানীয় সরকার, কৃষি, পানিসম্পদ ও সুশাসন-কে প্রাধান্য দেয়।

১৪
১৬/১১/২০২৩
অধিনন্তর সম্পর্ক বিভাগ
অর্থ মন্ত্রণালয়
একাত্তরী বাংলাদেশ সরকার